

10 ASO TALOSAGA – 2018

Aso Lua_2

E PAIA I LE ALII

A 'ia pa'ia lava 'outou mo a'u; auā o a'u o leova, o lo'o pa'ia lava a'u, 'ua 'ou vavae'eseina fo'i 'outou i nu'u uma, 'ina 'ia fai lava 'outou mo a'u. Salamo 133:1,2

"E PAIA I LE ALII" o upu ia sa togitogi ai le vaega auro o le pulou a le Ositaulaga Sili. O lo o valaau le Atua ia i tatou, e pei lava ona Ia valaau ositaulaga o aso anamua, ina ia soifua i ni olaga vavae eseina ma paia. O o tatou olaga o molimau ia mo Ia.

'Ua ia tali atu ma fetalai atu i ē na tutū mai i ona luma, o lo'o fa'apea, "'Ave 'ese ia o 'ofu 'ele'elea 'ua 'ofu ai o ia." 'Ua ia fetalai atu fo'i 'iā te ia, "Fa'auta, 'ua 'ou 'ave'esea au amioletonu i ou luga; 'ou te fa'a'ofu fo'i 'iā te oe i le 'ofu matagofie. Ona 'ou fai atu lea, "'Ia latou fa'ae'e le pulou lelei i luga o lona ulu." 'Ona latou fa'ae'e ai lea o le pulou lelei i lona ulu ma fa'a'ofu 'iā te ia i 'ofu; o lo'o tu mai fo'i le agelu a leova. (Sakaria 3:4,5)

E le i 'alo le Atua mai tuuaiga o le lē tusa ai o Iosua, ae na faaalua ai ua Ia faatauina o ia i se tau. Ua Ia faaofu Iosua i laei o le amioletonu, na te le i ufi atu nei laei i luga o ofu eleelea o le le usita'i ma le solitulafono, ae na muamua lava ona Ia faapea atu, "'Ave 'ese ia o 'ofu 'ele'elea 'ua 'ofu ai o ia." 'Ua ia fetalai atu fo'i 'iā te ia, "Fa'auta, 'ua 'ou 'ave'esea au amioletonu i ou luga; 'ou te fa'a'ofu fo'i 'iā te oe i le 'ofu matagofie. Ona 'ou fai atu lea, "'Ia latou fa'ae'e le pulou lelei i luga o lona ulu," sa tusia upu "E PAIA I LE ALII." (*Manuscript Releases*, vol. 20, pp.190, 191)

O le Kerisiano e tataua ona tu mo tulafono faavae o le lagi. E faatatau le faataunuuina o ona tiute i lona valaau paia, ina ia avea ai o ia e fai ma sui o le upu moni i ona uiga lelei ma le alofa. O le agamalu, lotoalofa ma le tausisi i le faamaoni, e iloga i ana upu ma gaioiga. I le faapaiaina o ia mo le Atua, e vavae ese ia mo se auaunaga faapitoa, ma o le a faataūa i taimi uma lona talitonuga faatuatua. E leai sina pito filo e ono mau ai le ola manatufaapito i le amio. E ao ona a'oa'oina i tatou ina ia faailoa le Agaga o le Atua i a tatou galuega i le olaga atoa. E le mafai ona tā'ita'i seseina e le Agaga Paia o le Atua Lana fanau. E mafai ona matua auau ese mai o tatou olaga mea fesiligia uma, e ala i le mana e aumaia e le Agaga Paia. Pe afai o le a tatou o ese mai i le pogisa o lo o ufitia ai e le faatuatua iti le loto, ae tuu i tatou i le mea e pa'u mai i ai le matilatila o le malamalama o le upu a le Atua, o le a tā'ita'iina i tatou i laasaga uma e o'o atu i le ola faapaiaina.... (*This DAY WITH God*, p. 281)

Na filifili e le Atua mai le vavau tagata uma ina ia paia. "O le finagalo lenei o le Atua e faatatau ia te outou, ia faapaiaina outou." O i'uleo mai Lona siufofoga o lo o faapea mai

10 ASO TALOSAGA – 2018

Aso Lua_2

ai lava "Ia paia, ia paia pea." Ma ia faapea lava fo'i la tatou tali," O lea lava, le Alii e, ia pa'ia pea."

E leai se isi na ia maua se ola-faapaiaina mai lona fanau mai, po o se meaalofo fo'i mai se isi tagata. O le ola-faapaiaina o le meaalofo a le Atua e ala ia Keriso. O i latou uma e talia le Faaola e fai latou ma atalii o le Atua. O ona atalii faale-agaga, ua toe fanaufouina, ma ua faafouina i le amiotonu ma le ola-faapaiaina moni. Ua suia o latou mafaufau. Ua latou vaavaai atu ma le manino i mea moni o le ola e faavavau. Ua vaetamaina i latou i le aiga o le Atua, ma ua suia i latou e foliga i le Atua, ua suia e Lona Agaga nai le mamalu e o'o i le mamalu. Ua o ese mai le faapelepele ma faamuamua le alofa mo i latou lava, ae ua o latou faapelepele le alofa sili mo le Atua ma Keriso. (*Signs of the Times*, Dec.17, 1902)

O lo tatou Faaola o le faaola mo le faaatoatoaina o le tagata atoa. E le na o se Atua mo sina vaega o le tagata. O le alofa tunoa o Keriso e galue ina ia faaleleia itu uma o lo o fausia ai le tagata. Aua fo'i o Ia na faia mea uma. O Ia na togiolaina tagata uma. O Ia na faia le mafaufau, le malosi, le tino faapea le agaga, ma le vaega o le tagata e fesoota'i mai ai pea Lona Agaga, ma o mea uma lava ua ia faatauina mo Ia lava. E tatau ona auauna atu ia te Ia ma le mafaufau atoa, loto, agaga, ma le malosi atoa. Ona matuā viia lea o le Atua i Ona tagata paia i so o se mea e fesoota'i atu ai, tusa pe o ni mea faatauva'a ma mavae. "E PAIA I LE ALII" o upu ia e mamanuina i o latou luga. (*God's Amazing Grace*, p. 230)

Afai e manatu tagata i so o se faiva o lo o galue ai ina ia faaleleia atili avanoa e poto ai ma lelei le faatinoga o galuega, e mautinoa le faaleleia atili pe a o'o ina faaoga lo latou agava'a e fausia ai le malo o le Atua i le lalolagi. I le manino mai o le moni o taimi taufaai'ui'u o le tala faasolopito o le lalolagi ua iai nei, ua matua tatau ona mae'ae'a le faatinoga o galuega, faatali ma le toto'a, mataala, tatalo ma galulue pea. O auaunaga faalelotu uma ma lala uma o pisinisi e tatau ona tauaveina le faailoga a le lagi. "E PAIA I LE ALII" e tatau ona fai lea ma manulauti a so o se tagata galue i so o se matata. So o se tagata galue e tatau ona naunau ia atoatoa, ina ia aveva ma tagata Kerisiano mao'i, ma atoataoa atu ia Keriso. (*Review & Herald*, Oct.5, 1905)

'Ae pei 'ona pa'ia o Ia na vala'auina 'outou, 'ia fa'apea fo'i 'outou 'ona pa'ia 'iā 'outou amio uma. Auā 'ua tusia, "Ia pa'ia 'outou, auā o A'u nei e pa'ia lava A'u." (1 Peteru 1:15)